

## RREGULLORE

# PËR MARRËDHËNIET E AVOKATURËS SË SHETIT DHE PERSONAVE JURIDIKË NË KUADËR TË OFRIMIT TË ASISTENCËS JURIDIKE, ROLIN E AVOKATËVE TË SHETIT NË GJYKIM, SI DHE NORMA TË POSAÇME PROCEDURALE

## KREU I

### DISPOZITA TË PËRGJITHSHME

#### Neni 1

#### Objekti

Kjo rregullore përcakton rregullat për:

- a) marrëdhëniet e Avokaturës së Shtetit me personat juridikë të parashikuar në nenin 5, pika 1/1 e ligjit nr. 10018/2008 "Për Avokaturën e Shtetit" të ndryshuar, në vijim "personat juridikë";
- b) rastet dhe çështjet e ushtrimit të funksionit të përfaqësimit dhe të mbrojtjes në gjyq të avokatëve të shtetit pranë personave juridikë, për procedurat e posaçme për ushtrimin e aktivitetit të avokatëve të shtetit, rolin e avokatëve të shtetit në gjykim, si dhe norma të posaçme procedurale;
- c) rastet, dhe çështjet e ushtrimit të funksionit të këshillimit të personave juridikë;
- ç) kriteret lëndore dhe sasiore për delegimin e të drejtës së përfaqësimit dhe të mbrojtjes prej Avokatit të Përgjithshëm të Shtetit tek personi juridik i interesuar;
- d) mënyrën e bashkërendimit të punës së avokatëve të shtetit me personat juridikë të cilëve u ofrohet asistencë juridike, si dhe raportet ndërmjet avokaturës së shtetit dhe titullarëve të institucioneve;
- dh) marrëdhënien e bashkëpunimit me institucionet të cilët detyrohen t'i vijnë në ndihmë avokatit të shtetit në kuadër të ofrimit të asistencës juridike;
- e) çështjet ekonomike dhe shpenzimet e procesit.

#### Neni 2

#### Parimet e bashkëpunimit

1. Strukturat e Avokaturës së Shtetit në kuadër të bashkëpunimit garantojnë

..... me përgjegjësi dhe korrektësi të legjislacionit në fuqi, njësimin e praktikës juridike dhe unitetit e doktrinës, pavarësinë profesionale dhe autonominë teknike, si dhe këshillimin e drejtë, mbrojtjen dhe përfaqësimin sa më të mirë të interesave publike.

2. Avokatura e Shtetit gjatë bashkëpunimit udhëhiqet nga parimet e ekskluzivitetit, profesionalizmit, efijencës, përgjegjësisë në zbatimin e ligjit, si dhe konfidencialitetit.

### Neni 3

#### Dhënia e asistencës juridike

Avokatura e Shtetit jep ekskluzivisht asistencë juridike në formën e këshillimit dhe të përfaqësimit në gjykata për personat juridikë nëpërmjet:

- a) ofrimit të shërbimit këshillimor sipas parashikimeve ligjore;
- b) përfaqësimit dhe mbrojtjes së interesave pasurorë në gjykatat kombëtare, ndërkombëtare dhe të huaja, në të gjitha shkallët e gjykimit;
- c) mbrojtjes së interesave pasurorë të shtetit në procedimin penal;
- ç) unifikimit të praktikës juridike;
- d) ndërmjetësimit për zgjidhjen me pajtim të mosmarrëveshjeve ndërmjet organeve qendrore të administratës publike dhe enteve publike;
- dh) ngritjes së padisë për shpërblimin e dëmit;
- e) ndërmarrjes së veprimeve për shfuqizimin e akteve juridike dhe kontratave administrative, nëpërmjet autorizimit paraprak nga personi juridik, me përjashtim të rasteve të urgjencës;
- ë) rishikimit të vendimeve gjyqësore të formës së prerë.

### Neni 4

#### Refuzimi i dhënies së asistencës juridike

1. Avokatura e Shtetit nuk jep asistencë juridike në rastet e mëposhtme:

- a) në çështjet gjyqësore ndërmjet organeve qendrore të administratës publike;
- b) në çështjet gjyqësore ndërmjet organeve të vetëqeverisjes vendore, kur asistenca juridike ofrohet sipas kushteve dhe kriterëve të përcaktuara në ligj ose në marrëveshje të posaçme midis Avokaturës së Shtetit dhe organeve të qeverisjes vendore;
- c) në çështjet gjyqësore ndërmjet organeve qendrore të administratës publike dhe organeve të vetëqeverisjes vendore për organet e vetëqeverisjes vendore, pavarësisht nëse ndërmjet Avokaturës së Shtetit dhe organeve vendore mund të ketë një marrëveshje të posaçme për ofrimin e asistencës juridike.
- ç) për hartimin e akteve dhe marrëveshjeve ndërkombëtare të së drejtës publike dhe çështjeve gjyqësore që lidhen me këto procese, përveç kur

PROCEDURAT ndryshe në ligj.

2. Avokati i shtetit/zyra e avokaturës së shtetit e caktuar për ndjekjen e një çështjeje të tillë, kur konstaton se gjendet në një prej rasteve të ndaluara, njofton menjëherë me shkrim Avokatin e Përgjithshëm të Shtetit dhe pezullon dhënien e asistencës juridike.

3. Avokati i Përgjithshëm i Shtetit vlerëson dhe vendos nëse rasti konkret përfshihet në rastet e ndaluara. Ai ia njofton menjëherë vendimin e tij organit procedues dhe organit të interesuar që i ka kërkuar asistencë juridike, me qëllim marrjen e masave të mëtejshme për garantimin e të drejtës së mbrojtjes, si dhe avokatit të shtetit/zyrës së avokaturës së shtetit që ka referuar për vlerësim rastin konkret.

## Neni 5

### **Bashkërendimi i punës së Avokaturës së Shtetit me strukturat juridike të personave juridikë**

1. Çdo person juridik, të cilit i ofrohet shërbimi i përfaqësimit nga Avokatura e Shtetit, duhet të ofrojë bashkëpunimin që do të kërkohet për të bërë efektiv funksionin e Avokatëve të Shtetit, duke siguruar njëkohësisht respektimin e afateve ligjore apo të afateve të caktuara nga organet proceduese për kryerjen e veprimeve procedurale.

2. Detyrimi për bashkëpunim, përfshin kryesisht, por pa u kufizuar, vënien në dispozicion të dokumentacionit, sqarimeve dhe informacioneve të nevojshme për shqyrtimin e çështjes, hartimin e raporteve lidhur me aktet ose veprimet që cenojnë interesat e personave juridikë të asistuar nga Avokatura e Shtetit.

3. Personi juridik është i detyruar që brenda 5 ditëve kalendarike nga data e depozitimit të kërkesës pranë institucionit t'i përcjellë Avokaturës së Shtetit të gjitha sqarimet, informacionet dhe dokumentet e kërkuara.

4. Çdo person juridik, i cili merr asistencë juridike nga Avokatura e Shtetit cakton një punonjës si person kontakti, përgjegjës për shkëmbimin e informacionit dhe dokumentacionit, me Avokaturën e Shtetit. Nëse personi juridik është i organizuar me zyra qendrore dhe vendore, cakton koordinator në secilin nivel organizimi.

5. Për ata persona juridik që kanë në strukturën e tyre drejtori apo sektor të posaçëm që mbulojnë përfaqësimin në gjykatë, person kontakti, sipas rastit, do të jetë drejtuesi/përgjegjësi i kësaj strukture. Nëse personi juridik nuk ka në strukturën juridike një pozicion të tillë, titullari emëron si koordinator një person të profilit jurist, i cili është i ngarkuar me përfaqësimin në gjykatë të institucionit.

6. Titullari i çdo personi juridik i njofton zyrtarisht me shkresë Avokatit të

... Shtetit, të dhënat e kontaktit të personit/personave të caktuar si koordinator për mbajtjen e marrëdhënies me Avokaturën e Shtetit, në varësi të formës së organizimit.

7. Koordinatori për Avokaturën e Shtetit pranë personave juridikë, është përgjegjës dhe ka detyrimin të bashkëpunojë me avokatin e shtetit të caktuar për dhënien e asistencës juridike pranë atij institucioni, me qëllim sigurimin e dhënies së asistencës juridike në interesin më të lartë të shtetit.

8. Koordinatori zhvillon takime pune së paku një herë në muaj me avokatin e shtetit për koordinimin dhe diskutimin e çështjeve të cilat paraqesin interes të veçantë. Me kërkesë të avokatit të shtetit, mund të zhvillohen takime pune sa herë që del e nevojshme.

9. Në rast se avokati i shtetit vlerëson se afatet ligjore, procedurale apo ato të vendosura nga gjykata diktojnë urgjencë, përveç komunikimit shkresor, si më sipër, kontakton menjëherë elektronikisht me koordinatorin e personit juridik që do të përfaqësohet në gjykatë, duke i sqaruar nevojën dhe urgjencën, si dhe duke i kërkuar, përcjelljen elektronike të të gjitha dokumenteve, informacioneve apo sqarimeve të nevojshme, brenda afatit të caktuar.

10. Për veprimet procedurale të ngutshme, për të cilat ka ardhur në dijeni përfaqësuesi ligjor i personit juridik dhe/ose është njoftuar nga Avokati i Shtetit, ka detyrimin që menjëherë dhe jo më vonë se dy ditë kalendarike, të njoftojë Avokaturën e Shtetit dhe të dërgojë materialet e nevojshme për realizimin e përfaqësimit dhe mbrojtjes.

11. Personi juridik, për çdo çështje gjyqësore për të cilën përfaqësohet nga Avokatura e Shtetit, i dërgon kësaj të fundit së bashku me dokumentet e kërkuara si më sipër, edhe një raport të hollësishëm për gjendjen e fakteve, të ligjit, si dhe qëndrimin zyrtar të institucionit për çështjen konkrete.

12. Avokati i Përgjithshëm, njofton titullarin e personit juridik mbi shkeljen e detyrimeve të parashikuara në këtë rregullore.

13. Mosrespektimi i afateve të përcaktuara në këtë rregullore në lidhje me bashkërendimin e punës, nga ana e personave juridikë që u ofrohet asistencë juridike, apo institucionet e tjera që duhet të ofrojnë shërbime, informacione, dokumentacion apo sqarime në ndihmë të funksioneve të avokaturës së shtetit, pa shkaqe të arsyeshme, apo krijimi i qëllimshëm i pengesave për shkeljen e tyre, përbën shkak për marrjen, sipas rastit, të masave disiplinore, masave administrative, civile, dhe penale ndaj personave përgjegjës.

14. Në rast se nga personat juridikë nuk respektohet detyrimi për bashkëpunim, Avokatura e Shtetit njofton Kryeministrin.

# MARRËDHËNIET E AVOKATURËS SË SHTETIT ME PERSONAT JURIDIKË NË KUADËR TË PËRFAQËSIMIT DHE MBROJTJES NË GJYKIM

## Neni 6

Rastet dhe çështjet e ushtrimit të funksionit të përfaqësimit dhe të mbrojtjes në gjyq nga Avokatura e Shtetit

1. Avokatura e Shtetit kryen funksionet e mëposhtme:

- a) përfaqëson ekskluzivisht personat juridikë, entet publike, pranë gjykatave kombëtare, ndërkombëtare dhe të huaja, pa autorizim të posaçëm të të përfaqësuarit në çështjet gjyqësore në të cilat një organ i administratës shtetërore ose Republika e Shqipërisë është palë;
- b) u jep mendim të specializuar organeve të administratës shtetërore dhe enteve publike, kur i kërkohet prej tyre;
- c) ndërmjetëson zgjidhje me marrëveshje të konflikteve që lindin midis dy organeve shtetërore, kur kjo kërkohet nga palët;
- ç) ka të drejtën e nisjes së veprimeve ligjore, me qëllim për të shfuqizuar aktet juridike dhe kontratat administrative, si edhe për rishikimin e vendimeve gjyqësore të formës së prerë, në pajtim me kushtet dhe kriteret e parashikuara në ligjin procedural dhe në ligjin "Për Avokaturën e Shtetit", me autorizim paraprak të organit administrativ të interesuar, me përjashtim të rasteve të urgjencës;
- d) ka të drejtë të ngrëjë padi, me objekt shpërblimin e dëmit të shkaktuar interesave pasurorë të shtetit, me autorizimin e organit shtetëror përkatës, me përjashtim të rasteve të urgjencës;
- dh) ka të drejtë të bëjë kërkesë për rishikim vendimi gjyqësor të formës së prerë për çështje që ka interes pasuror shteti shqiptar;
- e) ka të drejtë të bëjë kërkesa në Gjykatën Kushtetuese, në bazë të një autorizimi të posaçëm dhe në përputhje me normat ligjore në fuqi;

## Neni 7

### Procedura e përfaqësimit

1. Në rastet e përfaqësimit dhe/ose mbrojtjes së interesave të shtetit në gjykim, Avokatura e Shtetit zbaton legjislacionin në fuqi dhe rregullat e përcaktuara në këtë rregullore në çështjet gjyqësore, në të cilat një organ i administratës shtetërore ose Republika e Shqipërisë është palë. Në këto raste, Avokatura e Shtetit respekton rregullat për marrjen e kërkesës së motivuar nga organi i interesuar për t'u përfaqësuar në gjykim, pa qenë e nevojshme marrja e një autorizimi të posaçëm të të përfaqësuarit.

2. Avokatura e Shtetit mund të kryejë procedura të ndryshme nga ato të përcaktuara në këtë rregullore, kur është në interes të zgjidhjes së çështjes objekt

gjykim dhe me miratim te personit juridik të interesuar, por gjithmonë duke respektuar dispozitat ligjore procedurale.

3. Në çdo rast, Avokatura e Shtetit në përpilimin e akteve drejtuar organeve gjyqësore respekton kërkesat formale të legjislacionit procedural.

## Neni 8

### Kriteret lëndore dhe sasore për delegimin e të drejtës së përfaqësimit dhe të mbrojtjes

1. Delegimi i të drejtës së përfaqësimit në gjykim, nga Avokati i Përgjithshëm i Shtetit, bëhet bazuar në kriteret e mëposhtme:

a) Kur avokati i shtetit nuk ka dhënë mendim lidhur me aktin/pasojat e aktit objekt gjykimi;

b) kur avokati i shtetit ka dhënë mendim pjesërisht apo tërësisht të ndryshëm në lidhje me aktin/pasojat e aktit objekt gjykimi;

c) kur vlera e objektit të padisë së çështjes objekt gjykimi është më e vogël se 2 000 000 (dy milionë lekë);

ç) kur objekt gjykimi janë marrëdhëniet e punës ndërmjet institucioneve dhe personave të tretë, pavarësisht pikës 'c' të këtij neni;

d) në rastet e mbrojtjes së interesave pasurorë të shtetit në gjykimin penal kur vlera e dëmit material është më e vogël se dy milion lekë;

dh) kur sipas statistikave ka një numër të konsiderueshëm çështjesh të ngjashme nga i njëjti institucion dhe praktika juridike është njehsuar;

e) kur objekt mosmarrëveshjeje është konflikti midis palëve private pavarësisht nëse palë ndërgjyqëse është një institucion shtetëror.

ë) kur objekt i mosmarrëveshjes janë akte administrative pa vlerë financiare;

f) kur objekt i mosmarrëveshjes janë çështjet gjyqësore të përcaktuara në nenin 45 të ligjit nr. 49/2012 "Për Gjykatat Administrative dhe gjykimin e mosmarrëveshjeve administrative", të ndryshuar.

2. Avokati i Përgjithshëm i Shtetit, kur vlerëson se delegimi i të drejtës së përfaqësimit është i mundshëm në bazë të kriterëve të njehsimit të praktikës nga Avokatura e Shtetit, dhe/ose për çështje me karakter të veçantë, ka të drejtë të vendosë delegimin e përfaqësimit në gjykim.

## Neni 9

### Delegimi i përfaqësimit dhe i mbrojtjes

1. Avokati i Përgjithshëm i Shtetit, kryesisht ose me propozim të avokatit të shtetit, të caktuar për përfaqësimin e një çështjeje, mund ta delegojë të drejtën e përfaqësimit të interesave të shtetit në gjykim te personi juridik i interesuar.

2. Për çështjet që janë deleguar me urdher të Avokatit të Përgjithshëm të Shtetit, Avokati i Shtetit njofton gjykatën mbi delegimin e çështjes. Këtë njoftim, avokati i shtetit e përcjell në rrugë elektronike brenda ditës edhe tek koordinatori apo personi i kontaktit të personit juridik, për Avokaturën e Shtetit.

3. Kur gjatë gjyimit, nga ana e përfaqësuesit të personit juridik konstatohet se, ka ndryshuar objekti i mosmarrëveshjes gjyqësore ose pozita procedurale e palëve, dhe çmohet i nevojshëm përfaqësimi nga Avokatura e Shtetit, duhet të njoftojë me shkrim dhe në rrugë elektronike (e-mail zyrtar) nëpërmjet personit të kontaktit, për marrjen e masave për përfaqësimin në gjykim. Për këtë rast, Avokatura e Shtetit ka të drejtën të shprehet për pranimin ose jo të kërkesës.

4. Pavarësisht delegimit të përfaqësimit dhe mbrojtjes së çështjes tek personi juridik i interesuar, hartimi i rekursit dhe përfaqësimi në Gjykatën e Lartë, do të bëhen nga Avokatura e Shtetit, pas kërkesës së bërë nga personi juridik dhe/ose përfaqësuesi ligjor i tij.

5. Për çështjet që janë deleguar dhe që Avokatura e Shtetit nuk ka marrë pjesë në gjykim, përfaqësuesit ligjorë të personave juridikë, duhet të përcjellin qëndrimin me shkrim dhe informacionin/dokumentacionin e nevojshëm pranë Avokaturës së Shtetit, në mënyrë që të realizohet e drejta e rekursit në Gjykatën e Lartë.

## **Neni 10**

### **Detyrimi i pranimit të delegimit**

1. Personi juridik, të cilit i delegohet e drejta e përfaqësimit të interesave të shtetit në gjykim, nuk mund ta refuzojë përfaqësimin dhe mbrojtjen për çështjen e deleguar, me përjashtim të rasteve të konfliktit të interesit. Konflikti i interesit për përfaqësim i njoftohet menjëherë me shkrim, Avokatit të Përgjithshëm të Shtetit.

## **Neni 11**

### **Detyrimi për bashkimin e qëndrimit në përfaqësimin ligjor të personave juridikë**

1. Personat juridikë për të cilët Avokatura e Shtetit ofron asistencë juridike, kanë detyrimin për t'i njoftuar Avokatit të Shtetit të caktuar për përfaqësimin në gjykim, qëndrimin e tyre me shkrim dhe provat, brenda pesë ditëve kalendarike nga njoftimi i kërkesës për gjykim, apo fillimi i afatit për paraqitjen e akteve në gjykatë.

2. Përfaqësuesit ligjorë të personave juridikë, në çdo rast, kanë detyrimin që të mbajnë të njëjtin qëndrim apo strategji për përfaqësimin në gjykim, me Avokatin e Shtetit të caktuar për ndjekjen e çështjes.

3. Në rastet kur, Avokati i Shtetit konstaton moszbatimin e kësaj dispozite, njofton menjëherë Avokatin e Përgjithshëm të Shtetit dhe titullarin e personit juridik që përfaqësohet, për marrjen e masave sipas nenit 5 të kësaj rregulloreje.

4. Përfaqësuesit ligjorë të personave juridikë nuk duhet të depozitojnë akte në gjykatë, të cilat janë të ndryshme nga qëndrimi i mbajtur nga Avokatura e Shtetit, përveç rasteve kur janë palë kundërshtarë në gjykim. Për çdo rast, personat juridikë përpara depozitimit të akteve duhet të konsultohen me avokatin e shtetit të caktuar për ndjekjen e çështjes.

## Neni 12

### Përfaqësimi

1. Interesat pasurore të shtetit shqiptar pranë gjykatave shqiptare, ndërkombëtare dhe të huaja, si dhe organeve të tjera në çështjet gjyqësore në të cilat një institucion shtetëror, ent publik ose Republika e Shqipërisë është palë, përfaqësohen dhe mbrohen nga Avokatura e Shtetit.

2. Zyra e përfaqësimit në gjykatat e huaja, ndërkombëtare dhe në arbitrazhin ndërkombëtar në nivelin qendror të Avokaturës së Shtetit përfaqëson dhe mbron interesat e shtetit shqiptar pranë gjykatave të huaja dhe organizmave ndërkombëtarë, me karakter gjyqësor apo mbikëqyrës.

3. Zyra e përfaqësimit ligjor në gjykatat kombëtare në nivelin qendror në Avokaturën e Shtetit, përfaqëson dhe mbron interesat pasurore të shtetit në Gjykatën e Lartë dhe në Gjykatën Kushtetuese.

4. Avokatët e shtetit pranë ministrive përfaqësojnë dhe mbrojnë interesat e shtetit në gjykatat e shkallës së parë dhe të dytë në çështjet gjyqësore, të cilat:

a) kanë për objekt mbrojtjen e interesave pasurore të ministrive, pranë të cilave janë të emëruar;

b) kanë për objekt mbrojtjen e interesave pasurore të institucioneve në varësi të ministrive, pranë të cilave janë të emëruar;

c) kanë objekt të ngjashëm me fushën e ministrisë, pranë së cilës ushtrojnë veprimtarinë. Në këtë rast të fundit, avokatët e shtetit caktohen për të përfaqësuar dhe mbrojtur personin juridik të interesuar me urdhër të Avokatit të Përgjithshëm të Shtetit.

5. Zyrat vendore të Avokaturës së Shtetit mbrojnë dhe përfaqësojnë interesat pasurore të shtetit në gjykatat e shkallës së parë dhe të dytë, sipas ligjit.



## Përfaqësimi në gjykatat e shkallës së parë dhe të apelit

1. Për çështjet gjyqësore në të cilat Avokatura e Shtetit përfaqëson dhe mbron interesat e personave juridikë, gëzon ekskluzivitetin për të vendosur për mënyrën dhe strategjinë e mbrojtjes.

2. Avokatura e Shtetit ka të drejtë të paraqesë në gjykim çdo lloj kërkesë sipas ligjit, që shërben për realizimin e një mbrojtjeje efektive, përfshi kundërpadi, kërkesa për pezullim, kompetencë, juridiksion etj. Në rastin e paraqitjes së kundërpadisë, personi juridik të cilit i ofrohet asistenca juridike, duhet të pajisë Avokaturën e Shtetit me autorizimin përkatës brenda 5 ditëve kalendarike nga dita e depozitimit në gjykatë.

3. Përfaqësuesit ligjorë të personave juridikë duhet t'i njoftojnë Avokaturës së Shtetit, qëndrimin e tyre me shkrim, jo më vonë se 5 (pesë) ditë kalendarike nga komunikimi i akteve nga gjykata.

4. Përfaqësuesit e personit juridik, në rastet kur marrin pjesë në gjykim, përpara se të paraqesin çdo lloj akti përfaqësimi në gjykatë, duhet të konsultohen më parë me avokatin e shtetit që ka në ndjekje çështjen gjyqësore dhe vetëm pas miratimit të strategjisë së mbrojtjes, kanë të drejtë të paraqesin akte në gjykatë.

5. Të gjitha aktet procedurale që do të paraqiten në gjykatë duhet të jenë të koordinuara dhe qëndrimi i përfaqësuesve ligjorë të personave juridikë duhet të jetë i njëjtë me qëndrimin dhe mbrojtjen e Avokatit të Shtetit.

### Neni 14

#### Paraqitja e rekursit

1. Për çështjet gjyqësore për të cilat personat juridikë çmojnë se duhet ushtruar e drejta e rekursit, dhe për ato çështje ku personat juridikë janë palë ndërgjyqëse në gjykime pranë Gjykatës së Lartë, përgatitja, nënshkrimi dhe depozitimi i rekursit, do të realizohen nga Avokatura e Shtetit.

2. Për çështjet gjyqësore për të cilat, Avokatura e Shtetit ka deleguar të drejtën e përfaqësimit, dhe nga ana e personave juridikë çmohet se duhet ushtruar e drejta e rekursit, përgatitja, nënshkrimi dhe depozitimi i tij, do të kryhen nga Avokatura e Shtetit, e asistuar nga përfaqësuesit e personave juridikë, të cilët, duhet të paraqesin qëndrimin e arsyetuar mbi shkaqet e ushtrimit të rekursit sipas ligjit.

3. Për çështjet gjyqësore ku Avokatura e Shtetit ka deleguar të drejtën e përfaqësimit sipas përcaktimeve në pikën 2 të nenit 5 të ligjit nr. 10 018, datë 13.11.2008 "Për Avokaturën e Shtetit", i ndryshuar, nuk do të ofrohet asistenca juridike nga ana e Avokaturës së Shtetit.

7. Në rastet kur personi juridik shprehet për mosparaqitjen e rekursit, ky qëndrim i njoftohet zyrtarisht Avokaturës së Shtetit, e cila, pasi vlerëson situatën ligjore, vendos për arkivimin e çështjes.

5. Rekursi për çdo rast nënshkruhet nga Avokatura e Shtetit pa qenë nevoja e nënshkrimit të tij nga personi juridik që përfaqësohet, i cili mund të nënshkruajë në rekurs nëse këtë e kërkon shprehimisht me shkrim.

6. Personi juridik, ka të drejtën të shprehet për mosparaqitjen e rekursit, por në çdo rast, qëndrimi duhet të jetë i arsyetuar dhe me shkrim, dhe t'i njoftohet Avokaturës së Shtetit, brenda pesë ditëve nga njoftimi i vendimit.

7. Në rastet kur personi juridik shprehet për mosparaqitjen e rekursit, ky qëndrim i njoftohet zyrtarisht Avokaturës së Shtetit, e cila, pasi vlerëson situatën ligjore, vendos për arkivimin e çështjes.

## **Neni 15**

### **Përfaqësimi në Gjykatën e Lartë**

1. Avokatura e Shtetit përfaqëson dhe mbron interesat pasurore të shtetit në Gjykatën e Lartë dhe në Gjykatën Kushtetuese, sipas ligjit.

2. Për rastet kur, Gjykata e Lartë njofton personin juridik për kthimin e rekursit për plotësimin e të metave sipas neneve 474 dhe 476 të Kodit të Procedurës Civile, personi juridik përkatës, është i detyruar të njoftojë menjëherë Avokaturën e Shtetit, në rrugë elektronike nëpërmjet e-mail zyrtar drejtuar personit të kontaktit, dhe në rrugë postare drejtuar Avokaturës së Shtetit.

3. Nëse personat juridikë kërkojnë të heqin dorë nga e drejta e rekursit, sipas nenit 490 të Kodit të Procedurës Civile, duhet të njoftojnë paraprakisht Avokaturën e Shtetit.

## **Neni 16**

### **Paraqitja e ankimit kushtetues individual**

1. Në rastet kur çmohet se, ka shkaqe të ligjshme për të paraqitur ankim individual pranë Gjykatës Kushtetuese, Avokatura e Shtetit njofton personin juridik brenda një periudhe prej dy muajsh nga dhënia e vendimit, për dhënien e mendimit me shkrim.

2. Pas dhënies së mendimit me shkrim, nga ana e Avokaturës së Shtetit dërgohet kërkesa për dhënien e autorizimit, e cila përmban shkaqet ligjore për paraqitjen e ankimit kushtetues ndaj vendimit gjyqësor.

3. Personi juridik, brenda 5 (pesë) ditëve kalendarike nga njoftimi i

konkrete për qirime autorizimi, duhet te snprenet per pranimin ose jo të kërkesës dhe sipas rastit dhënien e autorizimit përkatës.

## Neni 17

### Roli i avokatit të shtetit në gjykim dhe marrëdhënia me personin juridik

1. Avokatët e shtetit, gjatë përfaqësimit të institucioneve shtetërore, mbrojnë interesat e institucionit që përfaqësojnë dhe interesat pasurore të shtetit, gjatë të gjitha fazave procedurale që marrin pjesë.

2. Në çështjet gjyqësore në të cilat Avokatura e Shtetit ushtron përfaqësimin për institucionin, përfaqësuesi ligjor i këtij të fundit, i ngarkuar me ndjekjen e çështjes, bashkëpunon në mënyrë të ngushtë me avokatin e shtetit.

3. Avokatët e Shtetit kanë funksion përfaqësues dhe mbrojtës të personit juridik, dhe përfaqësuesit ligjorë të personave juridikë bashkëpunojnë dhe ndihmojnë në dhënien e informacionit dhe shprehjes së vullnetit të institucionit që përfaqësojnë.

## KREU III

### MARRËDHËNIET E AVOKATURËS SË SHETITIT ME PERSONAT JURIDIKË NË KUADËR TË NGRITJES SË PADISË DHE KËSHILLIMIT

## Neni 18

### Nisma për fillimin e procedurave administrative dhe ligjore

1. Avokatura e Shtetit ka të drejtë të fillojë procedurat për paraqitjen e kërkesëpadisë, të kundërpadisë, të kërkesës për rishikim vendimi gjyqësor të formës së prerë apo çdo veprimi procedural të ngjashëm vetëm me kërkesë me shkrim të motivuar të personit juridik ose entit publik të interesuar, me përjashtim të rasteve urgjente.

2. Avokatura e Shtetit, sipas kërkesës së motivuar dhe autorizimit të personit juridik të interesuar, ka të drejtë të fillojë procedurat për ngritjen e padisë me objekt pavlefshmërinë e veprimit juridik, që tjetëron ose disponon mbi pasurinë shtetërore, në favor të të tretëve, ose për shpërblimin e dëmit të shkaktuar interesave pasurore të shtetit ose pavlefshmëri të kontratave administrative, të lidhura me të tretë ose me çdo objekt tjetër për mbrojtjen e interesave pasurore të shtetit.

3. Avokatura e Shtetit, përpara depozitimit të padisë në gjykatë, i paraqet personit juridik të interesuar një raport të hollësishëm me shkrim për gjendjen e fakteve dhe të ligjit, kostot e pritshme të gjykimit, si dhe për çdo shpenzim të zakonshëm/të jashtëzakonshëm apo çdo dëmshpërblim pasuror/jopasuror, që pala

shpalljen e pavlefshme të kontratës ose të veprimit juridik. Ky raport mbyllet me qëndrimin e shprehur të Avokaturës së Shtetit për ngritjen ose jo të padisë.

4. Në rastet urgjente, Avokatura e Shtetit njofton menjëherë personin juridik të interesuar dhe brenda 30 (tridhjetë) ditëve kalendarike nga fillimi i procedurave administrative dhe/apo gjyqësore i paraqet raportin e hollësishëm sipas pikës 3 të këtij neni. Personi juridik i interesuar, me marrjen e njoftimit dhe të raportit të hollësishëm, miraton ose jo veprimet e kryera dhe jep pëlqimin dhe autorizimin me shkrim për vazhdimin ose jo të procedurës së filluar.

5. Në rast se personi juridik fillon procedurat ankimuese administrative apo gjyqësore me nismën e vet, atëherë ai ka detyrimin për të njoftuar paraprakisht me shkrim Avokaturën e Shtetit.

## Neni 19

### Rastet e ushtrimit të funksioneve këshillimore nga Avokatura e Shtetit

1. Personat juridikë, gjatë ushtrimit të funksioneve të tyre, në përputhje me parashikimet ligjore, mund të kërkojnë nga Avokatura e Shtetit mendim me shkrim, për çështje të karakterit juridik, të cilat mund të prodhojnë pasoja financiare për shtetin.

2. Personat juridikë mund të kërkojnë paraprakisht nga Avokatura e Shtetit mendim për projektet e kontratave, të cilat do të nënshkruhen prej tyre. Në këtë rast, Avokatura e Shtetit mund të sugjerojë paraprakisht përmbajtjen e tyre.

3. Këshillimi paraprak i personit juridik me Avokaturën e Shtetit është i detyrueshëm për t'u kërkuar, në rastet e mëposhtme:

a) për hartimin, negocimin nënshkrimin, ndryshimin dhe zgjidhjen e kontratave të koncesionit, të kontratave të partneritetit publik-privat. Për kontrata të tjera publike për kryerje punimesh, furnizim mallrash dhe furnizim shërbimesh, me vlerë mbi kufirin e ulët monetar, të përcaktuar në legjislacionin në fuqi për prokurimet publike;

b) për hartimin, negocimin, nënshkrimin, ndryshimin dhe zgjidhjen e kontratave, të cilat parashikojnë zgjidhjen e mosmarrëveshjeve në arbitrazh ndërkombëtar;

c) kur shfaqen pretendime nga pala private apo institucioni publik në lidhje me përmbushjen e detyrimeve të kontratës, në rast konflikti interpretimesh apo çdo mosmarrëveshje tjetër në ekzekutimin e kontratave që parashikojnë zgjidhjen e mosmarrëveshjeve në arbitrazh ndërkombëtar;

ç) kur shfaqen pretendime nga investitorë të huaj për shkelje nga Republika e Shqipërisë të ligjit, traktateve apo marrëveshjeve ndërkombëtare për mbrojtjen e investimeve të huaja.

... nga Avokatura e Shtetit personave juridike, sipas këtij neni, nuk ka karakter detyrues për to, përveç rasteve kur parashikohet si i tillë me ligj.

## Neni 20

### Kërkesa për këshillim

1. Personat juridikë sipas kuptimit të ligjit “Për Avokaturën e Shtetit”, mund t’i drejtojnë Avokaturës së Shtetit kërkesë për këshillim.
2. Organet e njësisve të vetëqeverisjes vendore, të cilat kanë marrëveshje të posaçme me Avokaturën e Shtetit, mund t’i drejtojnë Avokaturës së Shtetit kërkesë për këshillim, nëpërmjet Kryetarit të tyre.

## Neni 21

### Procedura e këshillimit

1. Në rastet kur kërkohet këshillim, personat juridikë apo njësitë e vetëqeverisjes vendore, paraqesin kërkesë me shkrim, për këtë qëllim, pranë Avokaturës së Përgjithshme të Shtetit dhe vënë në dispozicion të saj:
  - a) të gjitha sqarimet, informacionet dhe dokumentacionin që disponojnë mbi çështjen objekt këshillimi;
  - b) një vlerësim mbi rrethanat faktike dhe qëndrim të arsyetuar të çështjes;
  - c) të dhënat e kontaktit të një personi, për qëllime komunikimi, koordinimi dhe bashkëpunimi me Avokaturën e Shtetit, në kuadër të çështjes objekt këshillimi.
2. Avokatura e Shtetit, gjatë ushtrimit të funksionit këshillues, mund të kërkojë plotësimin e informacionit apo dokumentacionit të paraqitur apo mund të kërkojë informacione apo dokumente shtesë, të cilat i gjykon të nevojshme. Personat juridikë detyrohen t’i japin Avokaturës së Shtetit çdo sqarim, informacion apo dokument të kërkuar, brenda 5 (pesë) ditëve pune nga depozitimi i kërkesës prej kësaj të fundit. Në këtë rast, afati për dhënien e mendimit nga Avokatura e Shtetit, llogaritet nga momenti i marrjes së informacionit/ dokumentacionit shtesë.
3. Avokatura e Shtetit jep mendim për çështjen objekt këshillimi bazuar mbi aktet dhe dokumentacionin e vënë në dispozicion, brenda 10 (dhjetë) ditëve pune, me përjashtim të rasteve kur, për shkak të kompleksitetit të çështjes është i nevojshëm një afat më i gjatë, përtej afatit fillestar. Në këtë rast, Avokatura e Shtetit njofton personin juridik dhe/ose njësinë e vetëqeverisjes vendore, i cili ka kërkuar këshillimin, duke dhënë motivet për shtyrjen e afatit, si edhe afatin e ri të propozuar.
4. Mendimi i Avokaturës së Shtetit mbi praktikën këshillimore, jepet në

ky rast me shkrim, është konfidencial dhe bëhet pjesë e praktikës për të cilën kërkohet këshillimi.

## Neni 22

### Shërbimi këshillimor i Avokaturës së Shtetit

1. Avokatura e Shtetit, në mbrojtje të të drejtave dhe të interesave pasurorë të shtetit, bazuar vetëm në një analizë të mirëfilltë juridike të çështjes objekt këshillimi, dhe të pasojave juridike, që mund të vijnë prej saj, u jep mendim me shkrim personave juridikë publik. Në asnjë rast, këshillimi nuk mund të jetë vlerësim mbi qëllimin e nxjerrjes së aktit juridik.

2. Në rastet kur nga ana e personave juridikë, kërkohet asistencë juridike për hartimin, negocimin, nënshkrimin, ndryshimin dhe zgjidhjen e kontratave, të parashikuara në nenin 5, të ligjit, "Për Avokaturën e Shtetit", të ndryshuar, në këtë rast, Avokatura e Shtetit mund të sugjerojë edhe formulime konkrete të pjesëve të veçanta të kontratës.

3. Avokati i Përgjithshëm i Shtetit, vlerëson rast pas rasti, kërkesën e personave juridikë për pjesëmarrjen e Avokaturës së Shtetit në negocimin e proceseve të parashikuara në pikën 2 të këtij neni. Asistenca juridike, në çdo rast jepet në përputhje me parashikimet e ligjit "Për Avokaturën e Shtetit", të ndryshuar. Gjatë procesit të negocimit të kontratës, Avokatura e Shtetit, merr pjesë në cilësinë e konsulentit të personit juridik, duke ofruar asistencë juridike, përveç rasteve kur me urdhër të Kryeministrit, krijohet grup i përbashkët pune dhe Avokatura e Shtetit, caktohet si pjesë e grupit të punës për negocimin e kontratës.

4. Mendimi i Avokaturës së Shtetit konsiston, kryesisht për të vënë në lëvizje, për të kundërshtuar ose për të tërhequr një çështje në gjykim. Ky mendim mund të jetë edhe sugjerim për procedimet administrative, me natyrë konfliktuale, të cilat mund të bëhen shkak për lindjen e konflikteve gjyqësore.

5. Gjatë ushtrimit të funksionit të këshillimit, Avokatura e Shtetit merr parasysh udhëzimet e dhëna, në çdo rast me shkrim, nga personi juridik, përveç rasteve kur ato bien ndesh me legjislacionin në fuqi ose interesin publik.

## Neni 23

### Efektet e këshillimit

1. Këshillimi i dhënë nga Avokatura e Shtetit, nuk ka karakter detyrues për personin juridik, dhe njësitë e vetëqeverisjes, përveç rasteve kur me ligj parashikohet ndryshe.

2. Mendimi këshillimor i dhënë nga Avokatura e Shtetit i drejtohet

...personat juridik, që e ka kërkuar, dhe në asnjë rast nuk mund të përdoret si provë në gjykim.

3. Personi juridik apo njësi e vetëqeverisjes, pavarësisht karakterit jodetyrues të mendimit të Avokaturës së Shtetit duhet të motivojë në një akt të shkruar veprimin ndryshe nga mendimi këshillues i Avokaturës së Shtetit, i cili bëhet pjesë e praktikës përkatëse objekt këshillimi.

4. Avokati i Përgjithshëm i Shtetit, me kërkesë të motivuar të avokatëve/zyrave të Avokaturës së Shtetit ose kryesisht, bazuar në praktikën e njehsuar juridike, për çështje të ngjashme ose të rëndësishme, miraton modele të përgjithshme të këshillimit për avokatët e shtetit.

## KREU IV

### MARRËDHËNIET E AVOKATURËS SË SHETIT ME PERSONAT JURIDIKË NË KUADËR TË PËRFAQËSIMIT NË GJYKATAT E HUAJA, NDËRKOMBËTARE DHE NË ARBITRAZHIN NDËRKOMBËTAR

#### Neni 24

##### **Përfaqësimi në gjykatat e huaja, ndërkombëtare dhe në arbitrazhin ndërkombëtar**

1. Avokatura e Shtetit është institucioni i ngarkuar ekskluzivisht për dhënien e asistencës juridike në formën e përfaqësimit dhe mbrojtjes së interesave të shtetit shqiptar pranë gjykatave të huaja, organizmave ndërkombëtare, me karakter gjyqësor apo mbikëqyrës.

2. Përfaqësimi dhe mbrojtja e interesave të shtetit shqiptar pranë gjykatave të huaja dhe organizmave ndërkombëtarë, me karakter gjyqësor apo mbikëqyrës, kryhen nga Avokatura e Shtetit, nëpërmjet zyrës së përfaqësimit në gjykatat e huaja, ndërkombëtare dhe në arbitrazhin ndërkombëtar.

#### Seksioni 1

#### Neni 25

##### **Përfaqësimi në Gjykatën Evropiane për të Drejtat e Njeriut**

1. Përfaqësimi dhe mbrojtja e interesave të shtetit shqiptar në Gjykatën Evropiane për të Drejtat e Njeriut realizohet nga Avokatura e Shtetit, nëpërmjet agjentit qeveritar ose bashkë agjentëve.

2. Agjenti qeveritar ose bashkë agjenti, në funksion të realizimit të përfaqësimit në GJEDNJ, kërkon informacion mbi faktet dhe rrethanat, apo dokumentacion nga personat juridikë të përfshirë apo që kanë të dhëna për çështjen në shqyrtim.

5. PERSONI JURIDIK është i detyruar që të vendosë në dispozicion informacionin e kërkuar brenda 5 ditëve punë nga marrja e kërkesës.

## Neni 26

### Ekzekutimi i vendimeve të GJEDNJ-së

1. Kur vendimi i Gjykatës Evropiane për të Drejtat e Njeriut merr formë të prerë, Avokatura e Shtetit kërkon nga personi juridik përgjegjës për ekzekutimin e vendimit, një plan për masat që do të ndërmarrë për ekzekutimin e tij, si dhe informacion mbi afatin dhe mënyrën e ekzekutimit. Personi juridik është i detyruar t'i përgjigjet kërkesës së Avokaturës së Shtetit brenda 20 (njëzetë) ditëve punë nga komunikimi i saj.

2. Personi juridik përgjegjës informon çdo 3 muaj Avokaturën e Shtetit për masat e ndërmarrura në kuadër të ekzekutimit të vendimit, dhe menjëherë në rastet kur konstaton pengesa në ekzekutimin e tij. Informimi periodik do të vijojë deri kur Komiteti i Ministrave të Këshillit të Evropës të mbyllë me Rezolutë përfundimtare monitorimin e procesit të ekzekutimit të vendimit.

3. Në rastet kur ekzekutimi i vendimit të GJEDNJ-së ka vështirësi për t'u zbatuar, Avokati i Përgjithshëm i Shtetit në rolin e tij si Agjent Qeveritar, kërkon një vlerësim të situatës edhe nga Këshilli Konsultativ i Çështjeve në GJEDNJ. Vlerësimi i Këshillit Konsultativ i përcillet personave juridikë përgjegjës për ekzekutimin e vendimit.

4. Avokatura e Shtetit njofton Kryeministrin në rastet kur konstaton se nga personat juridikë nuk po merren masat e duhura për ekzekutimin e vendimit të GJEDNJ-së apo ka vështirësi në ekzekutimin e tij. Në rastet kur përgjegjës për ekzekutimin e vendimeve të GJEDNJ-së janë organet publike të pavarura apo të gjyqësorit, Avokatura e Shtetit, njofton organet e prokurorisë të tyre.

## Seksioni 2

### **Marrëdhëniet me institucionet në kuadër të bashkëpunimit për përfaqësim në arbitrazhin ndërkombëtar**

## Neni 27

### **Njoftimi i mosmarrëveshjes objekt arbitrazhi**

1. Në rastet kur personi juridik apo autoriteti përkatës shtetëror merr një kërkesë për arbitrazh apo një njoftim të barasvlershëm me të, do ia përcjellë menjëherë atë Avokaturës së Shtetit bashkë me dokumentacionin dhe provat shoqëruese.

2. Personi juridik është i detyruar t'i sigurojë informacionin si dhe bazën dokumentare të nevojshme që lidhet me çështjen e arbitrazhit, jo më vonë se 5 ditë punë nga marrja e kërkesës së Avokaturës së Shtetit, përkatësisht:



- a) të gjithë dokumentacionin e dërguar nga pala kundërshtare/Sekretariati i forumit përkatës të arbitrazhit apo gjykatat e juridiksioneve të ndryshme;
- b) të gjithë informacionin/dokumentacionin që zotëron për çështjen në fjalë;
- c) një historik të çështjes objekt i mosmarrëveshjes në arbitrazh;
- ç) një vlerësim të brendshëm institucional mbi rrethanat faktike dhe të gjithë pretendimet e parashtruara nga pala kundërshtare dhe kundër pretendimet e personit juridik;
- d) konfirmim mbi mundësinë e ushtrimit të së drejtës së kundërpadisë;
- dh) informacion mbi çdo element tjetër të çështjes, sikundër mund të rezultojë e nevojshme rast pas rasti;
- e) të dhënat e kontaktit të personit të caktuar për qëllime komunikimi, koordinimi dhe bashkëpunimi me Avokaturën e Shtetit në kuadër të përfaqësimit dhe mbrojtjes së çështjes. Në rast se është e mundur, personi i kontaktit të institucionit të interesuar të jetë një person që ka njohuri të thelluara mbi mosmarrëveshjet e pretenduara dhe dokumentacionin përkatës;
- ë) konfirmim zyrtar që informacioni dhe/ose dokumentacioni që i është përcjellë Avokaturës së Shtetit është i plotë dhe shterues, dhe se personi juridik në fjalë nuk zotëron asnjë informacion dhe/ose dokumentacion tjetër mbi çështjen objekt mosmarrëveshjeje.

4. Personat juridikë që janë thirrur si të paditur në një proces arbitrazhi ndërkombëtar dhe vlerësojnë mundësinë e paraqitjes së një kundërpadie në atë proces arbitrazhi, duhet të njoftojnë menjëherë Avokaturën e Shtetit për këtë të fundit, duke i siguruar njëherazi një vlerësim ligjor, teknik dhe financiar për paraqitjen e kësaj kundërpadie si dhe gjithë dokumentacionin mbështetës në këtë rast.

## Neni 28

### Krijimi i grupeve të përbashkëta në përfaqësim

1. Në raste specifike, kur çështja paraqet kompleksitet, mbi bazën e një kërkesë të paraqitur nga Avokatura e Shtetit, personat juridikë do të caktojnë një ose disa përfaqësues, të cilët sipas specialitetit apo fushës së tyre të ekspertizës, do të bashkëpunojnë me Avokaturën e Shtetit, duke u përfshirë por pa u kufizuar, në cilësinë e dëshmitarit, ekspertit, në realizimin e mbrojtjes dhe përfaqësimit të personit juridik të interesuar në një proces arbitrazhi ndërkombëtar.

2. Në çdo rast, strategjitë për përfaqësimin dhe mbrojtjen e interesave të personit juridik të interesuar, do të përcaktohen nga Avokatura e Shtetit dhe/ose avokatët ose studiot e avokatisë të kontraktuara për këtë qëllim.

## Neni 29

### Sigurimi i informacionit

1. Personi juridik i interesuar është i detyruar t'i sigurojë Avokaturës së Shtetit jo më vonë se 5 ditë punë informacionin si dhe bazën dokumentare të nevojshme që lidhet me çështje të përfaqësimit në arbitrazh nga marrja e kërkesës prej Avokaturës së Shtetit.

2. Personi juridik i interesuar është i detyruar t'i përgjigjet kërkesave për sqarim të Avokaturës së Shtetit mbi informacionin dhe bazën dokumentare të siguruar prej tij, jo më vonë se 5 ditë punë, nga marrja e kërkesës prej Avokaturës së Shtetit.

3. Informacioni dhe dokumentacioni i siguruar nga personi juridik i përfaqësuar duhet të jetë i qartë, i saktë dhe sa më shterues për të gjithë elementët që kanë rëndësi dhe lidhen me çështjen konkrete të arbitrazhit.

## Neni 30

### Konfidencialiteti

1. Komunikimi midis Avokaturës së Shtetit dhe personit juridik, në lidhje me asistencën për përfaqësimin dhe mbrojtjen e interesave të personit juridik respektiv në gjykatat e huaja ndërkombëtare dhe arbitrazhin ndërkombëtar, do t'i nënshtrohet parimit të konfidencialitetit.

2. Për çështjet e arbitrazhit në gjykim apo para gjykatave të huaja, e drejta për informim i nënshtrohet parimit të konfidencialitetit.

## KREU V

### MARRËDHENIET E AVOKATURËS SË SHTESTIT ME INSTITUCIONE TË VEÇANTA NË NDIHMË TË OFRIMIT TË ASISTENCËS JURIDIKE

## Neni 31

### Marrëdhëniet me prokurorinë

1. Drejtuesi i prokurorisë së rrethit gjyqësor njofton Avokaturën e Shtetit brenda 7 ditëve kalendarike nga data e regjistrimit të procedimit penal për vepra penale, nga të cilat ka dyshime se janë cenuar interesat pasurorë të institucioneve shtetërore ose të personave juridikë publikë.

2. Avokatura e Shtetit ngre padi civile në procesin penal për kërkimin e pasurisë ose shpërblimin e dëmit, që u është shkaktuar interesave të shtetit nga kryerja e veprës penale.

5. Avokatura e Shtetit mund t'ia delegojë të drejtën e parashikuar në pikën 2 të këtij neni personit juridik publik qendror ose vendor, që ka interes të drejtpërdrejtë, ose organit epror të personit juridik publik, në rast se vlera e dëmit është më pak se 2 milionë lekë. Delegimi është i vlefshëm për gjykimin në shkallë të parë dhe në gjykatën e apelit.

## Neni 32

### Marrëdhëniet me Agjencinë Shtetërore të Kadastrës

1. Agjencia Shtetërore e Kadastrës ofron shërbimin si person juridik në kuadër të dhënies së informacionit dhe bashkëpunimit me Avokaturën e Shtetit.

2. Agjencia Shtetërore e Kadastrës përgjigjet brenda afateve të arsyeshme për të gjitha kërkesat e drejtuara nga Avokatura e Shtetit, në kuadër të marrjes së informacionit për përfaqësimin e çështjeve gjyqësore. Agjencia Shtetërore e Kadastrës kryen regjistrimin brenda 5 (pesë) ditëve pune nga momenti i paraqitjes së kërkesës nga Avokatura e Shtetit, për të gjitha aktet e parashikuara në nenin 193 të Kodit Civil.

3. Për rastet kur, Avokati i Shtetit gjykon se afatet janë të ngutshme dhe/ose nga vonesa mund të shkaktohen pasoja negative ndaj interesave pasurore të shtetit, i kërkon Agjencisë Shtetërore të Kadastrës ose drejtorisë vendore, reagimin e shpejtë dhe kthimin e shpejtë të përgjigjes, duke cilësuar shkresën “urgjente”.

4. Për çdo shërbim që i ofrohet Avokaturës së Shtetit, nga ana e Agjencisë Shtetërore të Kadastrës lëshohet faturë ndaj personit juridik për interes të të cilit është kërkuar shërbimi. Të gjitha shërbimet që i ofrohen Avokaturës së Shtetit nuk parapaguhën. Në rastet kur personi juridik i interesuar për shërbimin e kërkuar nuk është identifikuar, nga ana e Agjencisë Shtetërore të Kadastrës lëshohet faturë ndaj Ministrisë së Financave dhe Ekonomisë.

5. Për çdo veprim mbi pasuritë e paluajtshme që kryhet në Agjencinë Shtetërore të Kadastrës në bazë të kërkesës së prokurorisë (vendosje/heqje mase sekuestro/konfiskimi, kërkesë ekzekutim vendimi etj), sipas përcaktimeve të nenit 34 të kësaj rregulloreje, duhet të njoftojë menjëherë dhe jo më vonë se 2 (dy) ditë pune Avokaturën e Shtetit, me qëllim vlerësimin e situatës dhe marrjen e masave.

6. Në çdo rast, kur Agjencia Shtetërore e Kadastrës (drejtoria e përgjithshme / drejtoria vendore) ka ardhur në dijeni të një hetimi penal për tjetërsimin e paligjshëm të një pasurie të paluajtshme me origjinë “shtet”, duhet të njoftojë menjëherë dhe jo më vonë se dy ditë pune Avokaturën e Shtetit, me qëllim vlerësimin e situatës dhe marrjen e masave.

7. Kur konstatohet mungesë bashkëpunimi nga Agjencia Shtetërore e

... dhe drejtorite vendore, Avokati i Përgjithshëm i Shtetit njofton titullarin e institucionit dhe Kryeministrin, sipas nenit 5 të kësaj rregulloreje.

### Neni 33

#### **Marrëdhëniet me personat juridikë pranë të cilëve ka ekspertë me njohuri të specializuara**

1. Çdo institucion shtetëror ose ent publik, që ka në organikën e tij ose të institucioneve në varësi, specialistë të fushave, apo shërbime për dhënie të mendimeve të specializuara, ka detyrimin që të ofrojë bashkëpunimin me Avokaturën e Shtetit, në rast se një gjë e tillë i kërkohet nga avokatët e shtetit, në kuadër të përfaqësimit në gjykim.
2. Për rastet kur, avokatët e shtetit kërkojnë bashkëpunim në kuadër të dhënies së një mendimi të specializuar, nëpërmjet vlerësimit, trajtimit dhe dhënies së mendimit, në funksion të realizimit të përfaqësimit ligjor, personat juridikë duhet të garantojnë ofrimin e këtij bashkëpunimi dhe realizimin e kërkesave të avokatëve të shtetit.
3. Kërkesa për bashkëpunim paraqitet nga avokati i shtetit dhe sipas rastit përmban kërkimet konkrete, fushën specifike për të cilën kërkohet mendimi/vlerësimi i specializuar, dokumentacionin shoqërues, dhe afatin brenda të cilit duhet kthyer përgjigja.
4. Mospërbushja e detyrimeve sipas kësaj dispozite, përbën shkak për të njoftuar titullarin e institucionit dhe Kryeministrin sipas nenit 5 e vijues të kësaj rregulloreje.
5. Në rastet kur, shërbimi i kërkuar përmban shpenzime apo tarifa të parashikuara shprehimisht në ligj, efektet financiare faturohen ndaj personit juridik për llogari të të cilit Avokatura e Shtetit kryen përfaqësimin, dhe nëse nuk është i identifikuar, ndaj Ministrisë së Financave dhe Ekonomisë.

## **KREU VI**

### **SHPENZIMET E PROCESIT**

#### Neni 34

#### **Tarifat gjyqësore, depozitat, garancitë**

1. Avokatura e Shtetit përjashtohet nga detyrimi për pagimin e tarifave gjyqësore, shpenzimeve gjyqësore, si dhe tarifave për veprimet që kryhen nga personat juridikë publikë, administrata gjyqësore, prokuroria, shërbimi përmbarrimor gjyqësor shtetëror dhe personat juridikë me kapital shtetëror.
2. Shpenzimet gjyqësore apo të noterisë, të nevojshme gjatë dhënies së

nga personi juridik palë në proces apo i interesuar, dhe kur nuk mund të identifikohet një person juridik i interesuar nga Ministria e Financave dhe Ekonomisë, pas kërkesës së Avokaturës së Shtetit. Pagesat në lidhje me gjykimet në gjykatat e huaja, arbitrazhin vendas dhe atë ndërkombëtar, si shpenzimet gjyqësore, pagesat e arbitrave, ekspertëve të caktuar nga gjykata dhe përkthimeve, duhet të kryhen nga ana e personit juridik të interesuar ose kur palë në proces është Republika e Shqipërisë dhe nuk mund të identifikohet një person juridik i interesuar, nga Ministria e Financave dhe Ekonomisë.

3. Në rastet kur për efekte të mbrojtjes së interesave të shtetit në gjykim kërkohet krijimi i depozitave, garancive, dorëzaneve apo pagesave të ngjashme, shpenzimet për këtë qëllim mbulohen nga buxheti i personit juridik të interesuar, dhe nëse nuk identifikohet një i tillë, nga Ministria e Financave dhe Ekonomisë.

### **Neni 35**

#### **Efektet ekonomike të procesit**

1. Kur vendimi i gjykatës përcakton detyrimin në ngarkim të palës kundërshtare në një proces për të paguar shpenzimet gjyqësore, në rastet e çështjeve të ndjekura nga Avokatura e Shtetit, shuma në fjalë, pa prekur efektet ekonomike të procesit, do të transferohet në buxhetin e Avokaturës së Shtetit.

2. Për përcaktimin e masës së shpenzimeve të procedurës, për rastet e mësipërme, zbatohen kriteret e përgjithshme të legjislacionit procedural.

## **KREU VII DISPOZITA TË FUNDIT**

### **Neni 36**

Brenda 30 (tridhjetë) ditëve kalendarike nga hyrja në fuqi e kësaj rregulloreje, të gjithë personat juridikë, duhet t'i njoftojnë Avokaturës së Shtetit të dhënat e plota të personit të kontaktit / koordinatorit, sipas nenit 5 të kësaj rregulloreje.